



Ka sede yené yá mo à hemo, ko a yang ta wet. Mwa ano Dagwi a to ra pyé langat cak. Yesu a nàrà e sak wet!




19

Bop nagasi, tuk susù sati, bemât masâ fom me behak ba wo se ba ga biring gwofwa mo yi e nû sak o. Jeng de ba bereng ji sak o, ko ba di è Yesu wet.




20

Gwining a hwa mo á tumal e bama, ko á se toso e sak o. Yesu a nusu a ye! A vòg to e ziri na yey pyeng a wo hà bwang men. "YÈSU A SE NA NEKEN! YÈSU AGA TOYO YI E REKU!"



21

E bama jeng tyong a vey na besam me, ko a dunga yen vò me na beram. Á se sago. YÈSU Á SE NA NEKEN GBÀK! A halâ Bitrus tónó de a tono he, ko a yang besam me be há a bemat mwa era ye. Yi e hane a kye vòg e lagwi kwon de a yi e.



22

Nzem Paska ne susumo



Nzem Paska ne susumo

Yá yi e hà Dagwi, Bwok Basa Dagwi

Ba se eji

Matayus 23-28, Luka 22-24,
Yohana 13-21

"Yèl rehà mo he nong negbey."
Lèlè 119:130

23

Dagwi a tok wot a ga ragas pyé vyes yemo de ya se nen e kwon me. Tabàk nen o he a reku.

Dagwi a simi hot sizong yaga ano a tomo hwey me Yesu na he ku era cogot kak yaga benen mot. Yesu a vey na neken ko a to to e vòg e Lagwi! Rémo Dagwi è tok hala a wot benen mot.

Ka hwo simi na hwo doyo yi e benen mo, há a Dagwi ngan: Á Dagwi, ma nong sago Yesu a ku yaga me ko a to se na neken. Gabok vey eji me na hwo hala a me benen hong yaga na me bin sè neken na me to sangal tanga hwo gbak gbak. Selè me na me té me hwey mo. Ano. Yohana 3:16

Dòp basa Bwok Basa Dagwi na hwo to ha na ye kahe gasi.

Berom

Mwat de a jeg: Edward Hughes
Mwat de a dunga: Janie Forest; Alastair Paterson

Mwat de a doyo ha mo: christian-translation.com
Mwat de a ye ey: Lyn Doerksen


Yá yê 54 eji ye 60

M1914.org

Bible for Children, PO Box 3, Winnipeg MB R3C 2G1 Canada


Reto: Hwa vòg reto na hwo hasa ke hwo dak yá yemo e bebok berang ka sede hwô ra me nejik wet.

Hwa mó á tumal e kwôn lwélé e hagat raku, beyis me bá shila na mwihil e de béréng pyé vyes de ye te. Hwey me há se kye wo ku. Ngwo mó ye a Marya, ko á tumal bagat na kwon de bá se kak e Yesu.



1

Pyé yemmo mwa ya te e re aret? Yaga se de Yesu è ku e gwong vyes gwomo e bamâ sangal rat de a ra aret? Yaga se de Dagwi a tik hwey me he ku e ra cogot kak aret? Ke Yesu a ra duna era mwat de ye a se e? Dagwi a gaba aret?




2

Wey! Dagwi a gaba wet.
Yesu a dun wet. Kaye
jeng Yesu á tok wago é
ba ku e vwo bemat
beves. E jeng de Yesu á
ronggol hwey, mwakuk
hwak de reza me a
Semiyan á há a Marya
wago yey shi ya se e
nuyel.




3

Nepolo tyong gyam na
be wey na Yesu, hwa
hwak a pom ko a susa nēy
nsang sholol e bol me. “Hwa mo
a se lasa dyam zong.” Betom me ba
ngworong. “Hwa mo aga ra fom rwat,” Yesu a ye.
“A ra ano yaga hou hong.” Be tin há hak a vane!




4

E bama mo, Yuda, gwining
eji bemât masa fom me a
yong e na a rou a bepiris
Yesu era dyam pyeng 30.




5

E kwon nzem gyilsit nelo
Beyahuda, Yesu a re pyé me yé
yene tanga bemât masâ fom me. A
ha yen pyé era Dagwi na sira me era
vemo de ba te yey na ye. Yi e hane
Yesu a nong en kpm tuk tanga ke
shî na be gas. Hemo ha te na be
batta a yen wago ba nong rebek
na nemi Yesu yaga
hala benen.



6

Ko Yesu a ha a betom me wago ba rda rou e, ko mwa hen
ba rda tele be hala he. “Mê tele wet,” Bitrus a shonong hé.
“Gyam na rungat a dak gwom, hwô tono tók hongê e te tat,”
Yesu a yang e.



7

Turuk gasi hane mo,
Yesu a wo ra won e
hwyiri Getsemani.
Betom me de bá se
na ye nvwa na vos
en. “A dá hong,”
Yesu a ra won, “...
tik na ke shî komo ke
kwey me. Mwa ano,
a se e di hong wet, ko
a se e di mo.”




8

Rêmo remo Yuda a vey na
regyeng bemat ba wo yel e
hwyiri mō. Yesu a ka ra
yol wet, ko Bitrus a tut
fong mwat o hwak. Yaang
zong, Yesu a ra fong mwat
o ko a te e tyang. Yesu á
tok wago vo me mo ha se
yong Dagwi.



9

Regyeng bemat o ba jut Yesu vog e lō darwey bepiris. E
hwomo, bemat nuyêl BeYahuda ba ye a se gbing na Yesu
a ku. E hwomo, Bitrus á se e tumal bagat na besam
e dem wok kya ko á se
bereng. Bemat ba bereng
Bitrus a wul tat ko ba te,
“Hwa kana se tanga
Yesu!” Tat, Bitrus a
tono tyeng sede
remo de Yesu a
ye. Bitrus a shira
na yilâ gawey
era to me.



10


Rungat e dag gwom

E jeng o rungat wa dak
gwom. Ko á se sede fō
Dagwi vog na Bitrus. Jeng
de Bitrus a batta há Yesu,
ko a tosho sizong.




11

Yuda á te togo arong.
Ye á tok wago Yesu á
vog nen hak wet.
Yuda á to to e na
dyam shinang 30 o
mo, ko bepiris o ba
kye en sey ye.




12

Yuda a bongo
dyam o e vwel, a
kye a wo ta ngyot.




13

Bepiris o ba vey na Yesu e nuyel
Pilatus, gwom BeRoma. Pilatus a
ye, “Ma se mwat womo na nen wet.”
Ko regyeng bemat o ba gbô ba te,
“Be kak e! Be kak e!”



14

E kunus o, Pilatus a ye ey,
ko a yerê a Yesu shôt reku
era cōgôt kak. Bedém ba tes
Yesu, ba tulus ye netey e
beyis, ko ba dak e.




15

Yesu a kana tok wago é ku e gwong gwane mo. Ko a to tok
wago reku me nê vey na hala benen yaga vemo de ba te gab
men era ye. Bá kák begik behak beba tanga Yesu.
Gwining á nong sago na Yesu ko a
kye wo e kwon pongo.
Gwining o a kye e.




16

E bama rezot de a so, Yesu a
ye, “Baga yene,” ko a pere
ku. Fom me gwa yene he.
Besa me ba hou e
e sak hwak.



17

Bedém BeRoma ba
bang sak o ko ba gyeng
we. Rêmo vit e mwat
de é tok yel ke a nusu.



18